



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-017-6/23**

Datum: **15.02.2023. godine**

„Agencija za vodno područje rijeke Save“ Sarajevo rješavajući po zahtjevu „Agro Mašić“ d.o.o. Gradačac za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njegovog postojećeg kvaliteta kao posljedica rada poslovnog kompleksa, farme muznih krava, izgrađene u Gornjoj Tramošnici, općina Gradačac, na osnovu člana 139. stav (1) tačka 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu „Agro Mašić“ d.o.o. Gradačac daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njegovog postojećeg kvaliteta kao posljedica rada poslovnog kompleksa, farme muznih krava, ukupnog kapaciteta 472 grla, izgrađene u Gornjoj Tramošnici, na zemljištu označenom kao k.č. broj:2 K.O. Turić II, općina Gradačac.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Tuzlanskog kantona, u skladu sa članom 139. stav (2) Zakona o vodama.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja na licu mjesta i pod slijedećim uslovima:
 - 3.1. Da korisnik „Agro Mašić“ d.o.o. Gradačac izgrađene objekte čija je namjena farma muznih krava, održava u funkcionalnom stanju i koristi u skladu sa njihovom namjenom i uslovima iz ove vodne dozvole.
 - 3.2. Da u roku važenje ovog Rješenja dovrši izgradnju svih objekata za prikupljanje i transport tehnoloških otpadnih voda koje nastaju na predmetnom lokalitetu (tečnog i krutog otpada) u osočne jame (osočna jama II čija svrha je proširenje kapaciteta i priprema za izgradnju bio plinske elektrane), u skladu sa rješenjima datim u dokumentaciji priloženoj uz zahtjev: Glavni projekat dogradnje farme muznih krava sa pratećim objektima u Gornjoj Tramošnici općina Gradačac- Knjiga 3, urađen od strane PGP Hidroinžinjeri d.o.o. Tuzla, april 2017. godine.
 - 3.3. Da korisnik „Agro Mašić“ d.o.o. Gradačac za vrijeme trajanja ove dozvole, a nakon izgradnje objekta iz tačke 3.2. ovog rješenja obezbjedi da se vode iz: svih štala (stajnjak) uključujući i osoku iz silažnih boksova, vode iz prihvatnih deponija za čvrsto đubrivo (đubrenke) i drugih radno-manipulativnih površina nesmetano sakupljaju i odvođe do objekata predviđenih za prikupljanje - lagune, a zatim nakon sazrijevanja do određene konzistencije, putem namjenskih cisterni sadržaj crpi i odvozi na poljoprivredne površine na podubravanje.
 - 3.4. Da se aplikacija đubriva na poljoprivredne površine vrši u skladu sa pravilima dobre poljoprivredne prakse i van područja vodnog dobra i zona sanitarne zaštite izvorišta za piće, a sve u cilju zaštite površinskih i podzemnih voda.

- 3.5. Da se privremeno i trajno zbrinjavanje otpada od uginulih životinja i drugih nusproizvoda vrši u skladu sa zakonom o veterinarstvu, Pravilnikom o načinu postupanja sa životinjskim leševima i otpadom životinjskog porijekla i propisima iz oblasti zaštite okoliša, a u cilju zaštite voda, tla, zraka i dr.
- 3.6. Objekte čija je svrha odvođenje onečišćenih voda (slivne rešetke, kanalizaciona mreža, osočne jame) treba redovno održavati i koristiti na način koji će obezbijediti njihovu potpunu ispravnost i funkcionalnost.
- 3.7. Da se redovno vrši skupljanje čvrstog opasnog i neopasnog otpada sa kompletnog kruga farme i pratećih objekata, isti propisno skladišti do njegovog konačnog zbrinjavanja od strane ovlaštene organizacije.
- 3.8. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 3.8. Sadržaj iz osočnih jama (laguna) i ostali otpad ne smije se odlagati na česticu „vodno dobro“, odnosno u vodotoke i na njegove obale.
- 3.9. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata, postrojenja i mehanizacije redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.
6. U periodu važenja ove dozvole, pravno lice je dužno provoditi sve mjere i aktivnosti propisane istom.
7. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.
10. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Agro Mašić“ d.o.o. Gradačac, obratio se ovoj Agenciji dana 19.01.2023. godine sa zahtjevom za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njegovog postojećeg kvaliteta u toku rada farme muznih krava, ukupnog kapaciteta 472 grla, izgrađene u Gornjoj Tramošnici, na zemljištu označenom kao k.č. broj:2 K.O. Turić II, općina Gradačac. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija:

- Rješenje o izmjenama podataka, broj: 032-0-Reg-16-002164 od 23.12.2016. godine izdato od strane Općinskog suda u Tuzli – ovjerena kopija,

- Uvjerenje o poreznoj registraciji od 13.01.2017. godine izdato od strane Kantonalnog poreznog ureda u Tuzli – ovjerena kopija,
- Uvjerenje o registraciji u Jedinstveni registar obveznika indirektnih poreza, broj: 04/1-17-1-UPJR/1-7243-2/15 od 07.12.2015. godine izdato od strane Uprave za indirektno-neizravno oporezivanje Banja Luka – ovjerena kopija,
- Obavijest, broj: 12/01-1-19-36118/21 od 15.11.2021. godine izdata od strane Ministarstva prostornog uređenja i zaštite okolice Tuzlanskog kantona – kopija,
- Rješenje o vodnoj dozvoli broj: UP-I/25-3-40-775-4/17 od 12.01.2018. godine izdato od strane Agencije za vodno područje rijeke Save, Sarajevo – kopija,
- Rješenje o vodnoj dozvoli, broj: 04/1-13-21-9156/21 od 07.04.2021. godine izdato od strane Ministarstva poljoprivrede, šumarstva i vodoprivrede Tuzlanskog kantona – kopija,
- Račun broj:1/23 od 18.01.2023. godine izdat od strane JP „Komunalac“ d.d. Gradačac – kopija,
- Rješenje o upotrebnoj dozvoli, broj: 06/1-23/3-2354/18 od 25.10.2018. godine izdato od strane Općinske službe za urbanizam, investicije i komunalne poslove Općine Gradačac – kopija,
- Dokaz o uplaćenju federalnoj upravnoj pristojbi na zahtjev.

B Tehnička dokumentacija:

- Glavni projekat dogradnje farme muznih krava sa pratećim objektima u Gornjoj Tramošnici općina Gradačac- Knjiga 3, urađen od strane PGP Hidroinžinjeri d.o.o. Tuzla, april 2017. godine

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20, 63/22) izvršen je pregled poslovnog kompleksa objekata „Agro Mašić“ d.o.o. Gradačac i tom prilikom sačinjen Zapisnik o izvršenom uviđaju broj: UP-1/21-3-40-017-4/23 od 09.02.2023. godine.

Na osnovu dostavljene dokumentacije, izvršenog uviđaja na licu mjesta utvrđeno je sljedeće:

- Farma muznih krava ukupnog kapaciteta 472 grla sa pratećim objektima i infrastrukturom, izgrađena je u Gornjoj Tramošnici, na zemljištu označenom kao k.č. broj:2 K.O. Turić II, Grad Gradačac.

- Sastoji se od slijedećih sadržaja: dva objekta farmi muznih grla, dimenzija 100,0x42,0 m i 80,0 x24,0 m sa slivnicima, nadstrešnicom, dijelom za podmladak i tov sa pratećim sadržajima, jedne osočare, sedam silažnika, podnog skladišta hrane cca 42,0x20,0 m. Kompletan sistem je automatizovan, pod nadzorom i alarmnim sistemima.

- U skladu sa zahtjevima iz Rješenja o vodnoj dozvoli broj:UP-I/25-3-40-775-4/17 od 12.01.2018. godine pravno lice „Agro Mašić“ d.o.o. Gradačac nije postupio tj. na terenu nije izgradio osočnu jamu II, čija svrha je proširenje kapaciteta i priprema za izgradnju bio plinske elektrane. Planirana je izgradnja osočare u ovoj godini te njeno uvezivanje u bio plinsku elektranu.

- Svi izgrađeni dijelovi i objekti farme sadrže vodonepropusne podne površine u nagibu, sabirne rešetke, slivnike i odvodne kanalizacione cjevovode za odvodnju do sabirnog vodonepropusnog bazena bez preliva (lagune-osočare).

- Zaprljane vode koje nastaju od cijedenja osoke na prihvatnoj deponiji za čvrsto đubrivo (dvije đubrenke) kao i osoka na silažnicima se uvode putem pumpi u postojeću osočaru (lagunu).

- Oborinske vode sa krovova objekata se zasebnim kanalizacionim sistemom odvede do podzemnih rezervoara, a preliv iz rezervoara se odvodi do osočare u cilju razblaženja osoke.

- Snabdijevanje farme vodom obezbijeđeno je iz javne vodovodne mreže prema uslovima propisanim od strane Mjesne zajednice Gornja Tramošnica kojoj je povjereno upravljanje vodovodnim sistemom.

➤ Zbrinjavanje sanitarno fekalnih voda i voda od pranja aparature za mužu i održavanja higijene unutar prostorija riješeno je u okviru postojeće farme preko postojeće septičke jame, bez preliva, zapremine $V=20 \text{ m}^3$, koja se povremeno prazni putem ovlaštenog operatera JP „Komunalac“ d.d. Gradačac.

➤ Pristupne, radno- manipulativne površine su djelimično asfaltirane sa izgrađenim rešetkama za sakupljanje oborinskih voda sa saobraćajnica koje se disponiraju u osočaru.

➤ Izgradnja/rekonstrukcija/dogradnja sadržaja i objekata nije vršena od 2018. godine odnosno od izdavanja zadnjeg Rješenja o vodnoj dozvoli od strane Agencije.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Agro Mašić“ d.o.o. Gradačac ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njegovog postojećeg kvaliteta u toku rada farme muznih krava, ukupnog kapaciteta 472 grla, izgrađene u Gornjoj Tramošnici, na zemljištu označenom kao k.č. broj:2 K.O. Turić II, općina Gradačac, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-017-5/23 od 13.02.2023. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „Agro Mašić“ d.o.o. Gradačac
- Hadžiefendijina bb, 76250 Gradačac,
- AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava